

## مشهد وفاتي



هبيجي الوقت وهافارق

وهتشاركونى كام ذكرى

وفيه منكم هيحزن يوم

وينساني صباح بكرة

وممكن صورتى تبقى غلاف

لكام أسبوع في صفحاتكم

صحاب العمر

راح يقرأوا آيات قرآن

عشان خاطري

هيقفوا حداد لكام لحظة

ويفتكروا لي كام ذكرى

على قبري

وجايز زوجتي تترهبن

لحد العدة ما تعدي

وأمي ف كل صلاواتها

هددعي ربنا يبديل

تراب قبري

فيصبح حتة م الجنة

هتكي كثير

هتتالم

تبان شجرة بدون أغصان

ولما هترتوي بالصبر

هتدعي ربنا يبدل

وجعها لنعمة النسيان

\*\*\*

وابويا يقول : كسرني الواد

ده كان سندي

وكان عكازي في الدنيا

ده أول ما شافت عيني

أهو استكتر عليا الفرحة

"ابن الإيه"

وقام سابني

هيسجد للاله سجدة

وهيطول

يشوفني لسه في اللفة

يعيد عمري من الأول

هتنزل دمعة من عينه

بلون أحمر

وشهد الدنيا مهما حلا

هيبقى ف جوفة متمرر

\*\*\*

هيجي من بعيد عمي

يواسي أخويا على وجعي

يقول : ماتوحد الواحد

كفايا بكا وقوم ادعي

\*\*\*

فراقي صحيح هيو جمعهم

لكنها فترة وتعدي

يا دوب أساييع هينسوني

وتبقى الدعوة بالصدفة

ولو بالصدفة جات سيرتي

هتتغير خلال لحظة

هيجي الوقت وهافارق

وهاصبح بس كام نكري

.....